

CARMEN SAECULAR E

- Phoebe, silvarumque potens Diana,
Lucidum caeli decus, O colendi
Semper et culti, date, quae precamur
Tempore sacro:
5 Quo Sibyllini monuere versus,
Virgines lectas, puerosque castos,
Dis, quibus septem placuere colles,
Dicere carmen.
Alme Sol, curru nitido diem qui
10 Promis et celas, aliusque et idem
Nasceris; possis nihil urbe Roma
Visere maius.
Rite maturos aperire partus
Lenis Ilithyia, tuere matres:
15 Sive tu Lucina probas vocari,
Seu Genitalis.
Diva, producas subolem, Patrumque
Prosperes decreta super iugandis
Feminis, prodisque novas feraci
20 Lege manita.
Certus undenos decies per anuos
Orbis ut cantus referatque ludos,
Ter die claro, totiesque grata
Nocte frequentes.
25 Vosque, veraces cecinisse, Parcae,
Quod semel dictum est, stabilisque rerum
Terminus servat, bona iam peractis
Iungite fata.
Fertilis frugun pecorisque Tellus
30 Spicea donet Cererem corona:
Nutriant fetus et aquae salubres,
Et Iovis aerae.

Condito mitis placidusque telo
Supplices audi pueros, Apollo:
35 Siderum regina bicornis, audí,
 Luna, 'mellas.
Roma si vestrum est opus, Iliaeque
Litus Etruscum tenuere turmae,
Iussa pars mutare Lares et urbem
40 Sospite cursu:
Cui per ardentem sine fraude Troiam
Custus Aeneas patriac superstes
Liberum munivit iter, daturus
 Plura relictis:
45 Dî, probos mores docili iuventae,
Dî, senectuti placidae quietem,
Romulae gentí date remque prolemque
 Et decus omne.
 Quique vos bubus veneratur albis,
50 Clarus Anchisae Venerisque sanguis,
Imperet, bellante prior, iacentem
 Lenis in hostem.
Iam mari terraque manus potentes
Medus, Albanasque timet secures.
55 Iam Scythae responsa petunt, superbi
 Nuper, et Indi.
Iam Fides, et Pax, et Honor, Pudorque
Priscus, et neglecta redire Virtus
Audet: apparetque beata pleno
60 Copia cornu.
Augur, et fulgente decorus arcu
Phoebus, acceptusque novem Camenis,
Qui salutari levet arte fessos
 Corporis artus,
65 Si Palatinas videt aequus arces;
Remque Romanam, Latiumque, felix
Alterum in lustrum meliusque semper
 Proroget aevum.
Quaeque Aventinum tenet Algidumque,
70 Quindecim Diana preces virorum
Curet, et votis puerorum amicas
 Aplicet aures.
Haec Iovem sentire, Deosque cunctos,
Spem bonam certamque domum repo rto,
Doctus et Phoebi chorus et Dianae
 Dicere laudes.